

НАРДЕХ ЛОВЗАР

Адама Султана Олхазар

Лекха хинволчу АллахІаца ларлуш, Цо шена генадаьккхинчу шайтІанах...

Къинхетаме а волуш, къинхетам беш а волуш волчу АллахІан царца!

Вайн кегийчу нахана юкъахь даьржина цхьа ловзар ду, нардаш олуш. Оцу лвзарх лаьцна соьга хаьттира, сан цхьана, бусалба динан вешо. Цхьайолчу меттигашкахь, вуно дукха хан а йойъуш, вовший девнаш а дохуш, кхин цхьанне хІуманца бала а боцуш ловзу оцу ловзарх вайн кегий-нах. Царна ца хаь, шаш оцу ловзарца шайна тІедоуьйтуш долу къа мел ду а, цуьнан тІаьхьло мел вон ю а.

Цундела, Делан Элчанан – Делера салават а, салам а хуьлда цунна – дешнашца а, цуьнан асхьабийн – Дела реза хуьлда цунна – Іамалшца а, Іелам-нехан – Дала къинхетам бойла церах – аларшца а довзийта хьовсур ду вай, оцу ловзаран хьукм а, цуьнан къа а, цуьнан волла а.

Нардех левзинчо шена тІе, «АллахІана а, Цуьнан Элчанна а Іеса хиларан» куц доуьйту

Абу Муса Ал-АшІарийгара – Дела реза хуьлда цунна – схьа деана, Делан Элчано – Делера салават а, салам а хуьлда цунна – элира аьлла:

«Нардех левзинарг АллахІана а, Цуьнан Элчанна а Іеса хилла».¹

Нардех ловзучо ша тарво хьакхин жижиг а, цуьнан цІий а лелочух

Бурайдатера – Дела реза хуьлда цунна – схьа деана, Пайхамара – Делера салават а, салам а хуьлда цунна – аьлларг: «Нардех левзинарг тера ву шен куьг хьакхин жижиг юккъе а, цуьнан цІий юккъе а доьллинчух».²

Нардех ловзучаьрга салам луш дац

Іелас – Дела реза хуьлда цунна – нардех ловзучаьрга салам долуьйтуш ца хилла.³

Кхин а, СаІид ибн Джубайра – Дала къинхетам бойла цунах – ша нардех ловзучарна тІеволучу хенахь цаьрга салам луш ца хилла.⁴

Нардех ловзург чуволла хьакъ долуш ву

Іелас – Дела реза хуьлда цунна – шена нардех ловзуш нах карийча, уьш чубухкуш хилла, цхьаберш Іуьйранна сарралц а, вуьйжаш делккъалц а. Іуьйранна сарралц чубухкурш ахчанах ловзурш хилла, делккъалц чубухкурш самукъанна ловзурш хилла.⁵

Нардаш чохь латто мегаш дац, уьш кегіан езаш ю

НафіІа – Дала къинхетам бойла цунах – дийцина, ІабдуллахІ ибн Іумара – Дела реза хуьлда цунна – шена шен доьзалах цхьаь нардех ловзуш карийча, цунна тоха а тухий, нардаш кег а йой, тІаккха уьш ягайойтура аьлла.⁶

Нардех ловзар даккхийчу къиношна юкъадогІуш ду

¹ Абу Давуда а, Ибн Маджас а, Ахьмада а, Хьакима а кхечара а дийцина иза.

² Муслима а, Абу Давуда а, Ибн Маджас а, Ахьмада а, Хьакима а, кхечара а дийцина иза.

³ Бухарис «Ал-Адабул-Муфрид» тІехь дийцина иза.

⁴ Ибн Аби ШайбахІ, «Ал-Мусаннаф» тІехь.

⁵ Бухари, «Ал-Адабул-Муфрид».

⁶ Малик, «Ал-МувагтІаь»; Ат-ТІабарий, «ТахІзібул-асар».

Лакхахь дийцинчу хьадисашна тIе а доьгIна, Iелам-наха аьлла: нардех ловзар даккхийчу кьиношна юкьадогIуш ду.

Иштта, иза доккха кьа хилар довзийтина, Имам Ибн Хьаджар Ал-ХIайтамийс – Дала кьинхетам бойла цунах – шен «Аз-Заваджир» жайни тIехь, нардех ловзар дуьйцучу дакъана иштта цIе а тухуш: «Диь бIе шовзткъе доьалгIа доккха кьа – нардех ловзар». Цигахь цо далийна нардех ловзарх лаьцна долу хьадисаш а, Iелам-нехан дешнаш а.⁷ Церах цхьадерш ду вай лахахь хьахор дерш.

Нардех ловзучуьнан тешалла кьобал деш дац

Имам Ал-АзруIийс – Дала кьинхетам бойла цунах – аьлла: «Нардех лаьцна деана дерг довза а девзаш, иза дагахь а долуш, церах левзинарг – динца нисвалар кхачаме доцу стаг лорур ву иза, тешалла а тIелоцур дац цуьнан, иза муьлхха махкахь велахь а, ... чIагIдина ца магийна долу хIума цо дина дела».⁸

Уьзза маьIна долу дешнаш аьлла Имам Ал-Мавардийс а, Имам Ал-Иамрoнийс а, Имам Ар-Руйанийс а, кхин а дуккха а Iелам-наха а.⁹

Нардех тера долчу ловзарех ловзар нардех ловзар санна ду

Нардех ловзаран хьукм а, цуьнан хьарамалла а, цуьнан волла а евзинчул таьхьа, довза деза: нардех тера долу кхидолу ловзарш а - хьекьална а, кхетамна а, ойла йарна а тедоьгIна а доцуш, хила мега, хила тарло, нисдала мега, хIотта мега бохучунна тIедоьгIна долу ловзарш - дерриге а нардаш санна хьарам ду Шариатехь.¹⁰ Цундела, кехатех ловзар а, и санна долчу кхечу ловзарех ловзар а хьарам ду.¹¹

⁷ Ибн Хьаджар Ал-ХIайтамий, «Аз-Заваджир Iан Икьтирофил-Кабair».

⁸ Уьзза жайна.

⁹ Уьзза жайна.

¹⁰ Ибн Хьаджар Ал-ХIайтамий, «МугIнил-Мухьтаж».

¹¹ Ибн Iусаймин, «Фатава ИсламийахI».